

百廿三

漢書門			
類	號	函	架
類	號	函	架
類	號	函	架
類	號	函	架
類	號	函	架
類	號	函	架
類	號	函	架
類	號	函	架
類	號	函	架
類	號	函	架

內閣文庫			
漢書	類	號	架
漢書	類	號	架
漢書	類	號	架
漢書	類	號	架
漢書	類	號	架
漢書	類	號	架
漢書	類	號	架
漢書	類	號	架
漢書	類	號	架
漢書	類	號	架

內閣文庫			
番號	漢	12608	
冊數	160 (103)		
函號	300	211	

0 1 2 3 4 5 6 7 8 9 cm


A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale

C Y M

© Kodak, 2007 TM: Kodak







重校聖濟總錄卷一百二十三

震澤汪鳴珂瑤圃全弟鳴鳳蘭圃校

程 勛懋哉校訂

咽喉門

喉中生穀賊

咽喉腫痛語聲不出

咽喉卒腫痛

咽喉生癰

咽喉生瘡

懸癰腫

口咽喉

狗咽

喉中生穀賊

論曰喉中生穀賊者喉中結腫疼痛不通飲食妨

三才圖會卷之三
一
非遠堂
悶此由禾中有短穗誤作米食之澀搏咽喉如魚
鯁不上不下風熱加之則結腫不消若不急療亦
能殺人

升麻湯方 治咽喉生穀賊嚙物妨悶

升麻 木通判 黃蘗去麤皮 塗蜜炙 元參 麥門

冬去心焙 各一兩 竹茹 前胡去蘆 頭 大青各三 分 芒硝

別研湯 成下

右九味除稍外麤擣篩每服三錢匕水一盞煎
至六分去滓下芒硝末半錢匕攪令勻食後溫

服日三

射干湯方 治咽喉生穀賊嚙物妨悶

射干 升麻各三 分 桔梗判炒 一兩 元參 木通判 各

三 分 炙判 半兩

右六味麤擣篩每服三錢匕水一盞入竹葉七
片煎至六分去滓食後溫服如要通利加大黃
一兩以利為度

乳香丸方 治喉中生穀賊若不急治亦能殺人

乳香半 分 硃砂一 分 琥珀 松脂各半 兩

右四味各研為末再同和勻鎔白蠟為丸如雞頭實大每服一丸含化嚥津以差為度

治穀賊衝咽喉兩頰上腭舌下暴腫嚥物妨悶疼痛方

礬石

生用

右一味研為末少少傅腫處以差為度有涎即

吐之

又方

馬牙硝

研

右一味為末以綿裹半錢匕含化嚥津以差為

度

又方

右以鍼刺破令黑血出後含馬牙硝一小塊嚥

津即差

茯苓散方 治喉中生穀賊結腫疼痛飲食妨悶

赤茯苓

去黑皮

貫衆

縮砂仁

甘草

炙各一兩

右四味搗羅為細散每用一錢匕摻喉中以水

送下立效

象牙散方 治咽喉中生穀賊如鯁狀不上不下疼痛妨悶

象牙末一分 甘草大者一寸半 滑石半 菉豆粉二兩

鬱金小者半箇 乳香研 蓬砂研 麝香研各半分

右八味搗研為散每服半錢匕新汲水調下

五味子湯方 治咽喉中生穀賊結腫疼痛妨害

飲食

五味子炒 乾薑炮 麥門冬去心焙 桂去麤皮各

桑根白皮剉炒 粳米炒

右六味麤搗篩每服三錢匕水一盞煎至五分

去滓溫服日三不計時候

咽喉腫痛語聲不出

論曰咽喉腫痛語聲不出者風邪壅熱客於脾肺之經邪熱隨經上搏於咽喉則血脉壅遏故令喉間腫痛甚則氣道窒塞語聲不出也

沉香湯方 治咽喉腫痛不得語卒中風毒入於

喉間舌強頭面身體疼痛咽喉閉塞氣欲絕者

沉香剉 木香 射干 防風去 升麻

甘草炙 當歸切 黃芩去黑心 薰陸香 藿

香葉 雞舌香各一兩 獨活去蘆頭三兩 麻黃去根節先

煎掠去沫 大黃剉生用

右十四味麤擣篩每服三錢匕水一盞煎至六

分去滓食後溫服日三

竹皮湯方 治咽喉中如有物噎塞聲氣不出

竹皮 甘草炙各一兩 人參 赤茯苓去黑皮 麻黃

去根節先煎 桂去麤皮 五味子 木通剉各

右八味麤擣篩每服三錢匕水一盞入生薑半

分拍破煎取六分去滓放溫不計時候服日三

黃耆湯方 治咽喉中腫癢微嗽聲不出

黃耆剉二兩 人參一兩 赤茯苓去黑皮 桂去麤皮半

兩 甘草炙一兩

右五味麤擣篩每服三錢匕水一盞生薑半分

拍破棗二枚擘煎至五分去滓空腹食前各一

服

菖蒲丸方 治咽喉腫痛語聲不出

菖蒲二兩 孔公孽細研一兩 木通剉二兩 皂莢一挺

尺者去黑皮塗酥
炙令焦黃去子

右四味擣研為末鍊蜜和丸如梧桐子大每服
二十九至三十九煎鬼箭羽湯下不計時候

杏仁丸方 治咽喉噎塞咳嗽

杏仁 湯浸去皮尖雙
仁炒三分研 桂 去麤皮
一分

右二味擣研為末鍊蜜和丸如杏仁大每服含
化一丸細細嚥津

治喉痹腫盛語聲不出方

馬蘭根 汁三
合

右一味入白蜜一合相和慢火煎成煎徐徐嚥
之日可五七度

桔梗湯方 治喉痹腫盛語聲不出

桔梗 炒一
兩

右一味麤擣篩每服三錢匕水一盞煎至六分
去滓溫服不計時候日三

治喉痹腫盛語聲不出方

生薑汁 五
合 蜜 三
合

右二味相和慢火煎成煎每服取半匙尖含化

服

咽喉卒腫痛

論曰咽喉卒腫痛者脾肺暴熱胸膈壅滯上攻咽喉故發腫痛也亦有服餌丹石過度毒氣在胃多嗜五辛酒麪衝於脾肺皆致斯疾源雖不同其為熱則一

龍腦散方 治咽喉卒腫痛

- 龍腦 研一分
- 犀角 鎊
- 丹砂 研
- 白藥子 各三分
- 真珠 研
- 黃耆 剉
- 甘草 炙各半兩
- 牙硝 研一兩

右八味搗研為散拌勻再羅每服二錢匕新汲水調下不拘時候

塗傅方 治風熱毒氣攻咽喉卒腫痛頭面腫

杏仁 湯浸去皮尖雙仁半兩

雞子 一枚去殼

右二味同研勻傅腫處即消若濃黃汁出者醋調伏龍肝塗之

治咽喉卒腫痛不下食方

薤根 一把切

右一味炒不至焦搗爛於腫處貼以帛子繫之

治咽喉卒腫痛不下食方

附子 半枚 生搗

右一味細羅為散內竹管內吹入喉中

治咽喉卒腫痛不下食方

生地龍 十四枚

右一味爛搗塗喉外以帛繫之兼治癰發喉中

治咽喉卒腫痛不下食方

雞子 一枚 去殼

右攪令黃白勻服之

治咽喉卒腫痛不下食方

白麩 不計多少

右一味以苦油和塗喉外腫處

治咽喉卒腫痛不下食方

大豆 一合

右一味以水一大盞煮取七分去滓含嚥一方

用鼓

治咽喉卒腫痛不下食方

桂 去麤皮 半兩

右一味擣羅為散綿裹一錢放舌下嚥津即差
治咽喉卒腫痛不下食方

白礬少許

右一味研碎以綿裹含嚥津即差

惡實散方 治上焦壅熱咽喉作腫疼痛不利

惡實微炒令香一兩 甘草炙一分 荆芥去梗半兩

右三味擣羅為細散每服二錢匕水五分一盞煎令沸溫服沸湯點服亦得

咽喉生癰

論曰肺氣上通於喉嚨胃經外連於咽嗑其氣和平則呼吸嚥納無所妨礙若脾肺壅熱熏發上焦攻於咽喉結聚腫痛不得消散熱氣熾盛致結成癰妨害吐納古方論一寸為癰二寸至五寸為癰其候使人寒戰咳唾稠濁善用鍼者辨其可刺宜速破之仍施以點餌之劑

天門冬煎方 治喉癰咽嗑不利

生天門冬汁二升 人參一兩 生麥門冬汁一升 生

薑汁一升 生地黃汁一升 桂去麤皮一兩 赤茯苓去黑皮三

兩半夏湯洗七遍甘草炙三分牛黃研半兩

右十味除四味汁外餘六味為末先以天門冬麥門冬汁煎減半次入生薑汁又煎減半次又入地黃汁并餘六味末同煎汁欲盡即入白蜜一斤酥四兩同煎成煎以瓷盒盛不拘時以溫水調下一匙以差為度

射干湯方 治喉癰咽嗑腫塞及心肺熱極吐納不利

射干半兩升麻 大黃剉生用各一兩馬

藺子炒半兩木通剉三分

右六味麤擣篩每服三錢匕水一盞竹葉七片煎至七分去滓下馬牙硝半錢匕攪令勻不拘時細細溫服

防風散方 治喉癰及咽喉垂倒等

防風去叉一兩白附子三分地骨皮半兩麝香研三分
分丹砂研膩粉研白木 馬牙硝研
桂去麤皮各一分赤茯苓去黑皮一兩

右十味擣研為散每服半錢匕溫酒調下

鹽花散方 治喉癰及懸癰等

鹽花 白礬 燒令汁盡 各一兩

右二味同研細以筋頭點在癰上

馬牙硝散方 治喉癰及傷寒熱病後咽痛閉塞

不通毒氣上衝

馬牙硝 半兩

右一味細研為散每服一錢匕綿裏含嚥津以

通為度

咽喉生瘡

論曰咽喉生瘡或白或赤痰唾稠濁喉中腥臭疼痛此蓋上焦有熱脾肺不和熱搏其經熏發咽喉故也

黃耆湯方 治咽喉疼痛生瘡

黃耆 炙 剉 甘草 炙 麥門冬 去心 焙 山梔子仁

各半 黃芩 去黑心 人參 赤茯苓 去黑皮 檳榔 煨 剉

貝母 去心 麩炒 紫苑 去苗各 一分

右十味麤擣篩每服二錢匕水一盞煎至六分

去滓溫服食後日三

龍膽煎方 治喉中瘡并口瘡

龍膽 黃連去鬚 黃蘗去皮 升麻去土 苦竹

葉切 槐白皮 大青各一兩 白蜜半合 酥半合

右九味細剉七味如麻豆大以水三升半煮取

七合絞去滓內蜜及酥再煎五六沸每服一匙

頭含化嚥津日可五六服差

桃紅散方 治喉中生瘡咽嗑痛嚥物有妨

金薄十片 銀薄十片 丹砂研 馬牙硝研

甘草炙擣末各一兩 鉛白霜研少許 凝水石四兩 太陰

元精石二兩二味椎碎入一合子內 令通赤取出黃土內埋一宿

右八味同研令細每服一字甘草水調下如要

丸以稀糯米粥和為丸如豌豆大含化嚥津

地黃湯方 治咽喉中生瘡唾血不下食

生地黃細切二兩半 竹茹 玄參 雞蘇苗各一兩

赤茯苓去黑皮 升麻 麥門冬去心焙各一兩半

右七味除地黃外麤擣篩入地黃拌勻每服三

錢匕以水一盞煎至五分去滓溫服食後臨卧

如不能多服細細含嚥

半夏湯方 治咽喉生瘡嗽唾如鯁語聲不出

半夏湯浸去滑 射干七徧二兩 乾薑炮 杏仁湯浸去皮

尖雙仁炒 麻黃去節煎掠 吳茱萸湯洗焙 紫苑去苗

土桂去麤皮 當歸切焙 陳橘皮湯浸去白焙 獨活去蘆

頭各一兩

右十一味麤擣篩每服五錢匕水一盞半煎至

一盞去滓溫服初病一二日可發汗病久者可

加大黃一兩半初秋夏月暴雨冷及天行暴熱

喜怒伏於內宜加生薑二兩乾薑茱萸枳實各

一兩修製如前法

白藥丸方 治喉中有瘡咳嗽

白藥子 黃藥子 元參 射干 甘草炙

桔梗炒各半兩

右六味擣羅為末鍊蜜為丸如彈子大綿裏含

化嚙津

苦酒湯方 治咽中生瘡語聲不出

半夏三枚湯洗七度去滑切焙 雞子一枚敲破瀉去黃

右二味以苦酒并半夏內於雞子殼中於火上

煎三五沸候溫去半夏就殼分為二服飲之差

杏仁丸方 治咽喉及舌生瘡爛

杏仁 湯浸去皮尖炒半兩研 黃連 去鬚為末 甘草 炙為末各一分

右三味擣研和勻綿裹如棗大含之差

又方

白礬 熬令汁盡二兩 黃連 去鬚一分

右二味擣羅為末每服一錢匕綿裹含化嚥津

牛黃金露丸方 治風壅毒氣上攻咽喉舌頰腫

痛生瘡噎悶化涎解躁

牛黃 研 龍腦 研各一錢 人參 末二兩 甘草 生為末半兩

丹砂 研水飛一兩 甜硝 研半兩

右六味同研細以軟糯米飯和丸如雞頭實大

每服一丸含化嚥津

救命散方 治脾胃熱毒上攻心肺喉咽有瘡并

纏喉風

大黃 剉炒 黃連 去鬚 白僵蠶 直者炒 甘草 生各半兩

膩粉 三錢匕 五倍子 一分

右六味擣研為細散每服一字大人以竹筒子

吸之小兒以竹筒子吹之如餘毒攻心肺咽有瘡用乳孩兒奶汁調藥一字以雞翎探之嘔者生不嘔者死

薔薇根飲方 治咽喉生瘡連舌頰痛不可忍者

薔薇根皮一兩 升麻三分 生乾地黄 黃蘗

各半 鉛白霜研一兩

右五味搗羅四味為末入鉛霜研勻每服二錢匕水一盞入蜜半匙煎至七分稍通口熱漱咽噤冷即吐之及時用藥末摻瘡上

升麻湯方 治咽喉生瘡

升麻剉 甘草炙 石膏研 牡丹皮各一兩

右四味麤搗篩每服三錢匕以水一盞煎至六分去滓細細服

黃連湯方 治喉中生瘡久患積勞不下食日漸

羸瘦

黃連去鬚半分 豉半分 薤白切四莖 豬膽半箇

右四味先以童子小便八合煎黃連豉薤白取四合去滓下豬膽煎至三合空腹頓服每隔日

依法再服

桔梗湯方 治咽喉内生瘡疼痛

桔梗剉炒

甘草生

惡實微炒各一兩

右三味麤擣篩每服三錢匕水一盞入竹葉十片煎至六分去滓不計時溫服

治咽喉生瘡腫痛方

硃砂半錢

右一味以綿裹細細嚥汁差

又方

臘月豬尾一枚

右一味燒灰細研為散每服半錢匕水調服不計時

計時

玫瑰丸方 治上焦有熱咽喉生瘡赤根白頭痰

唾稠濁口中腥臭宜化涎生津去毒

五倍子

紅雪研各一兩

馬勃

升麻

研

蓬砂

研各半兩

丹砂研

麝香研

龍腦

研各

甘草生用一分三分

右十味擣研為細末糯米飯和丸如雞頭實大

每服一丸含化不計時候

蓬砂散方 治咽喉生瘡腥臭疼痛

蓬砂

研一分

馬牙硝

研半兩

人參

半兩

甘草

炙剉一分

右四味擣羅二味為細末入研藥二味和勻每用半錢七不以時候含化嚥津

懸癰腫

論曰喉嚨者呼吸之道路氣之所上下也懸癰為音聲之關臟腑有伏熱氣上攻衝喉咽氣血壅遏結於懸癰毒氣不散故腫痛妨悶甚者或長數寸

隨喉出入不得食息宜急治之

乾薑散方 治懸癰腫生息肉

乾薑

炮裂

半夏

湯洗七遍各一分

右二味擣羅為散鹽豉和塗所患處

白礬散方 治懸癰咽中妨悶懸長

白礬

燒令汁盡

鹽花

另研過各半兩

右二味同研極細筋頭點懸癰上

治懸癰腫長生息肉及舌腫方

羊蹄草

重校聖濟總錄 卷一百三十一
右一味煮汁含之或以鹽鼓和塗之

又方

鹽

鼓等分

右二味以鹽和鼓塗患處日三五次

又方

童子小便

四五歲者一合

右一味并銅錢三文含之

治懸癰腫長數寸隨喉出入不得食方

右令病人大開口以筋按舌下燒小烙鍼於竹

管中烙之令破即愈少根不盡漸更烙之即以

鹽塗烙處

又方

鹽

右一味擣令細綿纏筋頭搵鹽點之日六七次

啟關散方 治風熱客搏上焦懸癰腫痛

惡實

炒

甘草

生各一兩

右二味擣羅為散每服二錢匕水一盞煎六分

分旋含之良久嚥下

口咽喉

論曰道家服藥務先去三蟲者以其為人害也口咽之病亦本於此巢氏謂腹中口蟲上蝕咽喉能令生瘡或癢或痛如蠶之候者是也善攝生者儻未能除去亦當服藥治之勿使妄動則善矣

黃蘗湯方 治口咽喉閉塞出瘡及乾嘔頭痛食不下

黃蘗去麤皮炙半兩 升麻 木通剉各一兩 麥門冬去心焙一兩 前胡去蘆頭 大青各三分 竹茹三分 玄參一兩

右八味麤搗篩每服三錢匕水一盞煎至七分去滓入芒硝末一錢攪令勻溫服如鼻中有瘡以地黃汁少許滴於鼻中日三五服不計時候要通利加芒硝不欲利去之

一捻金散方 治口咽及走馬喉閉或腦内生癰 雄黃研 藜蘆 豬牙皂莢去皮并子各一分

右三味搗研為散先含水一口用藥一米許搐鼻內即吐去水少時立效

蛇蛻散方 治口咽喉疼痛

蛇蛻皮 白梅肉 甘草生用各一分 惡實半兩炒

右四味擣羅為散每用綿裹一錢匕湯浸潤含

化嚥津不計時

杏仁散方 治口咽喉內痛欲失聲

杏仁湯浸去皮尖雙仁炒研 桂去麤皮各二兩 蕪荑仁炒一兩

右三味擣研為散每服一錢匕綿裹含化嚥津

硝盡再用日三五服

治口咽喉痛方

杏仁湯浸去皮尖雙仁炒 桂去麤皮各二兩 蕪荑仁炒一兩 樞實

去皮半兩

右四味擣篩為末鍊蜜為丸如彈丸大含化嚥

津消盡再用日二三服

治口咽喉閉塞喘息不通須臾欲絕方

桃皮一擗切

右一味以水一盞煎至五分去滓溫服

治口咽喉中痛癢如得蠱毒方

生薑切如半棗大

右一味含化嚥津液以差為度

又方

麻黃 不拘多少

右一味以青布裏內竹筒中燒乘烟熏咽中愈

又方

麻子

右一味燒取脂酒調一錢匕服之差

又方

故鞋鼻繩

右一味燒作灰每服一錢匕溫水調服

狗咽

論曰狗咽者喉中忽覺結塞不通如喉痹狀是也
陰陽之氣出於肺循喉嚨而上下若風熱毒氣客
於喉間氣結蘊積而生熱故有結塞之候俗云此
疾由誤嚙狗毛所致治法亦有將飯與狗分食取
差者禳去之法也

昆布丸方 治咽喉中壅悶氣塞不通狀如喉痹

者

昆布 洗去鹹味一兩 訶梨勒皮 二兩 檳榔 剉一兩 松蘿

乾薑炮裂 桂去麤皮 海藻洗去鹹味一兩 木通剉二兩

右八味搗羅為末鍊蜜為丸如梧桐子大每服溫酒下二十九食後臨卧服

馬牙硝煎方 治狗咽氣塞腫痛氣欲絕者

馬牙硝 木通剉 升麻 瞿麥穗 犀角

屑 馬蘭子各一兩半 射干 元參各一兩

右八味細剉以水五盞煎至一盞半去滓下白蜜二兩再煎成煎每服一匙頭含化嚥津

玄參散方 治狗咽氣塞

元參 杏仁湯浸去皮尖雙仁炒 甘草炙 赤茯苓去黑皮

白朮 桔梗炒 人參各半兩

右七味搗羅為散每服二錢匕熱湯調下日三五服

丹砂酒方 治狗咽喉中忽覺結塞

丹砂 桂去麤皮 絳礬各半錢

右三味為末綿裹用好酒少許浸良久含之即差

附子散方 治風熱上攻咽喉忽覺結塞不通

附子 一枚生去皮臍切 馬蘭子 生用 惡實 生用

各一兩

右三味搗羅為散每服一錢匕溫水調下日三

五服

二灰散方 治纏喉風及狗咽

燈心燒灰 炭上白灰 白殭蠶 直者炒各等分

右三味同研為散生薑蜜水調下一錢匕

如聖散方 治狗咽及咽喉緊急

赤芍藥 一兩 防風 去叉三分 天麻 半兩

右三味搗羅為散每服一錢匕冷茶調下不拘

時服

黃白散方 治狗咽

芒硝 研一兩半 硫黃 研一兩

右二味先將芒硝於銚子內熬令沸澄清下硫

黃末於銚子內攪令焰出絕傾在新椀內放冷

細研如粉每服半錢匕新汲水調下

石膽散方 治纏喉風及狗咽

石膽 一錢半燒研 白芷 一錢為末

右二味再研勻細每服半錢匕溫漿水調下取出涎後轉一兩行差

治狗咽雞子法

半夏

一錢末薑汁搜為餅子焙乾細研

雞子

一枚

右二味先開雞子頭去黃又盛苦酒一半入半夏末殼中攪令勻安雞子坐於塘灰火中慢煎沸熟取出後稍冷就殼分溫三服

治狗咽喉方

粟飴

三合

右一味以手團為一塊與狗分而食之即愈

治咽喉忽覺氣塞喘息不通須臾欲絕方

獨顆蒜

一枚

右一味削去兩頭可塞鼻竅患左塞右鼻患右塞左鼻喉口中膿血出立效

惡實散方 治風熱閉塞咽喉

惡實

一合半生半炒

右一味擣羅為散酒調下一錢匕立差

如神丸方 治喉中忽然結塞不通

重刊聖濟新金 卷三十三 三 燕返堂

蝸牛二七枚 白礬末 馬勃末 陳白梅肉

大黃末各一分

右五味於端午日午時同研和丸如苦楝子大
每遇患開口不得者取一丸以水磨用竹管子
吹下入喉中即差輕可只以綿裹含化一丸

